

Forskrift om tildeling av langtidsopp hold i sjukeheim eller tilsvarende bustad særskild tilrettelagd for heildøgns tenester – kriterium og venteliste

Heimel

Vedteke av Luster kommunestyre den 14.6.2017, sak.../17 med heimel i endring/presisering i pasient- og brukerrettighetsloven § 2-1 e første ledd og helse- og omsorgstjenesteloven § 3-2 a første ledd – med verknad frå 1.7.2016.

§ 1 Føremål

Føremålet med forskrifa er å sikre at pasient/brukar får naudsynte og forsvarlege helse- og omsorgstenester jf. helse- og omsorgstjenesteloven § 3-2 a, og i samsvar med rettigheitsreglane i pasient- og brukerrettrettighetsloven § 2-1 e. Forskrifa skal bidra til å klargjera kriterium for tildeling av langtidsopp hold i sjukeheim eller tilsvarende bustad, og skildre korleis pasientar/brukarar skal ivaretakast i ventetida.

§ 2 Virkeområde

Forskrifa gjeld pasientar/brukarar som har rett til langtidsopp hold i sjukeheim eller tilrettelagd bustad. Forskrifa gjeld og pasientar/brukarar som vil være best tent med langtidsopp hold eller tilrettelagd bustad, men der kommunen vurderer at han/ho kan bu heime eller i omsorgsbustad med forsvarlege tenester i påvente av dette tilbodet.

§ 3 Definisjonar

- *Langtidsopp hold:* Opphold utan slutt dato/ikkje tidsavgrensa opphold der pasient/brukar sin helsetilstand og behov for helse- og omsorgstenester gjer at det ikkje er sannsynleg at han/ho vil flytte heim eller få tilbod om lågare nivå av slike tenester.
- *Sjukeheim:* Helseinstitusjon jf. forskrift av 16.12.2011 nr. 1254 om kommunal helse- og omsorgsinstitusjon § 1 bokstav d og e og § 2. I Luster kommune vert sjukeheimstilbodet gjeve ved Luster omsorgssenter.
- *Særskild tilrettelagd bustad:* I Luster kommune er dette omsorgsplassar med heildøgns tenester ved Gaupne omsorgssenter og Hafslo omsorgssenter.
- *Ventelista:* Kommunen si oversikt over pasientar/brukarar som har fått vedtak om at dei er kvalifisert til langtidsopp hold eller omsorgsplass, men som med forsvarleg hjelp kan bu heime eller i omsorgsbustad i påvente av dette tilbodet. Ventelista gjev ikkje fortrinnsrett til ledig plass.

§ 4 Generelt om tildeling av tenester

Tildeling av tenester skal ha eit fagleg grunnlag og vere basert på faglege vurderingar. Luster kommune brukar lågaste-/beste effektive omsorgsnivå (LEON/BEON) som prinsipp ved tildeling av tenester. Omsorgstrappa har tenester på ulike nivå der aukande hjelpebehov vert møtt med meir omfattande tenestetilbod av ulik karakter. Tenester på lågare nivå skal som hovudregel vera forsøkt før tildeling av langtidsopp hold.

Vurdering av behovet for helsehjelp skjer mellom anna ved bruk av kartleggingsverktøyet IPLOS og ADL. IPLOS er eit lovpålagt helseregister med data om bistandsbehov og ressursar til dei som søker eller mottek kommunale helse- og omsorgstenester. ADL er kartlegging i meistring av aktivitetar i daglelivet (kvardagsmeistring). IPLOS/ADL-skår skal brukast som vurderingsgrunnlag saman med individuelle vurderingar av:

- Helsetilstand
- Evne til eigenomsorg
- Butilhøve
- Nettverk og deira omsorgsevne

Pasient og brukar skal medverke ved utforminga av tenestetilbodet, jf. Pasient- og brukerrettighetsloven § 3-1.

§ 5 Kriterium for tildeling av langtidsopphald i sjukeheim

- Pasienten/brukaren må sjølv ha søkt om tenesta. Dersom ein sjølv ikkje er i stand til å søke, kan nærmeste pårørande, verje eller fullmektig søke.
- Pasienten/brukaren må etter individuell vurdering fylle vilkåra for naudsynt helsehjelp i Lov om helse- og omsorgstjenester §§ 3-1 og 3-2, pkt. 6c og 6d.
- Pasienten/brukaren må gje sitt samtykke til at tenesta vert sett i verk.
- Pasienten/brukaren må vere varig ute av stand til å ta vare på seg sjølv og ikkje meistre dagleglivet sine gjeremål på grunn av mentalt og/eller fysisk funksjonstap.
- Pasienten/brukaren må ha eit omfattande behov for heildøgns tenester, og kan ikkje lenger få dekka behov for tenester i eigen heim eller i omsorgsbustad.
- Andre tiltak i heim eller omsorgsbustad skal vere vurdert og/eller prøvd før søknad vert innvilga.

Under kriteriet *omfattande behov*, inngår ei heilskapleg individuell vurdering av funksjonsnivået og eigenomsorga til pasienten/brukaren (jf. § 4 over).

§ 6 Kriterium for tildeling av omsorgsplass med heildøgns tenester

- Pasienten/brukaren må sjølv ha søkt om tenesta. Dersom ein sjølv ikkje er i stand til å søke, kan nærmeste pårørande, verje eller fullmektig søke.
- Pasienten/brukaren må etter individuell vurdering fylle vilkåra for naudsynt helsehjelp i Lov om helse- og omsorgstjenester §§ 3-1 og 3-2, pkt. 6c og 6d.
- Pasienten/brukaren må gje sitt samtykke til at tenesta vert sett i verk.
- Pasientar/brukarar som har eit omfattande og døgnkontinuerleg bistandsbehov som er venta å vare livet ut, og som ikkje kan ivaretakast i noverande bustad.
- Pasienten/brukaren må ha eit funksjonsnivå som tilseier eit stort behov for helse- og omsorgstenester.
- Noverande bustad er ikkje tilpassa funksjonsnivået.
- Eit vedtak om omsorgsplass tyder at søker inngår leigeavtale med Luster kommune.

§ 7 Venteliste

Pasientar/brukarar som har fått vedtak om at dei er kvalifisert for langtidsopphald i sjukeheim eller omsorgsplass med heildøgns tenester, men som med forsvarleg hjelp kan bu heime eller i omsorgsbustad i påvente av plass, skal først på kommunen si venteliste. Ved tildeling av langtidsopphald i sjukeheim eller omsorgsplass med heildøgns tenester, skal kommunen vurdere behovet til nye søkerar og alle som står på ventelista. Ventelista gjev ingen fortrinnsrett til plass, og seinare plasserte pasientar/brukarar kan få plass først dersom deira behov vert vurdert som større.

§ 8 Oppfølging av ventelista

Pasientar/brukarar som står på kommunen si venteliste skal kontinuerleg vurderast ut frå behov for tildeling av langtidsopphald i sjukeheim eller omsorgsplass. Kommunen skal syte for at pasientar på ventelista har naudsynte og forsvarlege helse- og omsorgstenester medan dei ventar på langtidsopphald eller omsorgsplass. Kommunen skal ha ei systematisk og fortløpende vurdering av helsetilstand og funksjonsnivå til pasientar/brukarar på ventelista for å fange opp eventuelle endringar i bistandsbehov.

§ 9 Klage

Eventuell klage skal sendast til Luster kommune som vurderer saka som første instans. Dersom det ikkje vert gjeve medhald i første instans, vert klaga utan ugrunna opphald sendt til Fylkesmannen for endeleg avgjerd. Klagefrist er fire veker og skal gå fram av vedtaket, jf. Pasient- og brukerrettighetsloven § 7-5.

§ 10 Ikraftsetjing og revidering av forskrifta:

Denne forskriften trer i kraft når den er vedteken av kommunestyret og lovleg kunngjort. Forskrifta skal reviderast ved behov.